



Kantonalna uprava civilne zaštite

Kantonalni operativni centar civilne zaštite

Broj: D-18/1-40-1-359/24
Tuzla, 26.12.2024. godine

Federalna uprava civilne zaštite
Federalni operativni centar civilne zaštite
Sarajevo

Na osnovu člana 17. stav (1) tačka c) Pravilnika o organiziranju i funkcioniranju operativnih centara civilne zaštite ("Službene novine FBiH" broj 9/19), Kantonalni operativni centar civilne zaštite Tuzla dostavlja:

REDOVNI IZVJEŠTAJ

o stanju u oblasti zaštite i spašavanja na teritoriji Tuzlanskog kantona
za dan 26.12.2024. godine.

Operativno vrijeme izrade izvještaja 26.12.2024. godine u 08,00 sati.

Hidrometeorološki podaci (HMS Bukovčić Tuzla)

Temperatura: 0 °C
Vlažnost: 94 %
Pritisak: 997 hPa
Količina padavina: 4 l/m²

Vodostaj na HA Modrac

Vodostaj na brani HA Modrac jutros u 07.00 sati bio je 199,21 mnm., (tačka preljeva je 200 m.n.m.). U odnosu na mjerenje prije 24 sata vodostaj je niži za 2 cm. Ispust kroz temeljne otvore iznosi 36,70m³/s.

Stanje na cestama

Usljed većih padavina snjega saobraćaj se odvija otežano po lokalnim putevima dok su magistralne ceste prohodne.

M – 18 Husino – Ljubače Zbog izvođenja radova na izgradnji pješačke staze saobraća se usporeno, jednom trakom svakim danom, osim nedjelje u vremenu od 07:00 do 17:00 sati.

Ormanica-Špionica

Zbog sanacionih radova od 07:00 do 17:00 sati saobraća se usporeno.

03. Požari (LP- 3)

Grad Tuzla

PVJ Tuzla imala je dvije intervencije na gašenju požara i to:

- naselje Medenice gdje je gorio dimnjak i
- naselje Mramor, gdje je gorjela kuća.

Požari lokalizovani i ugašeni.

Grad Gradačac

PVJ Gradačac imala je intervenciju na gašenju požara u ulici Branilaca Grada, gdje je gorio pomoćni objekat – kotlovnica. U intervenciji učestvovalo 5 vatrogasaca i jedno vozilo.

Grad Lukavac

PVJ Lukavac imala je dvije intervencije na gašenju požara i to u :

- Ulica Rudnička - MZ Lukavac Mjesto, gdje je gorio dimnjak. Na intervenciju izašla dva vatrogasca sa jednim vozilom.
- Naselje Gornji Bistarac, gdje je gorio automobil. Na intervenciju izašla dva vatrogasca sa jednim vozilom.

Tehničke intervencije

Općina Banovići

PVJ Banovići imala je dvije tehničke intervencije i to:

- u MZ Repnik naselje Mačkovac na uklanjanju oborenih stabala sa saobraćajnice, na intervenciju izašla dva vatrogasca sa jednim vozilom i
- MZ Pribitkovići također uklanjanje stabla sa saobraćajnice, na intervenciju izašla dva vatrogasca sa jednim vozilom.

Grad Srebrenik

PVJ Srebrenik imala je dvije intervencije na uklanjanju oborenih stabala. Jedna intervencija je bila u gradskoj zoni a druga intervencija u Gornjem Srebreniku.

Grad Gradačac

PVJ Gradačac imala je intervenciju na uklanjanju oborenih stabala u gradskoj zoni. Učestvovala tri vatrogasca sa jednim vozilom.

18. Oštećenje elektro ili vodovodne mreže, naftovoda, plinovoda, telekomunikacija ili saobraćajne mreže (LP – 18)

Grad Tuzla

Zbog kvara na dalekovodima bez napajanja električnom energijom su naselja: Požarnica (sva naselja do Vile Ana), Ljepunice, Simbra, Desetine, Cerovi, Rasovac, Marjanovići, Srednja Lipnica, Srednja Grabovica, Tetima. Ima još kvarova na niskonaponskoj mreži.

Grad Srebrenik

Kompletan Grad Srebrenik nema električne energije i tri mjesna područja: Duboki Potok, Tinja, Podorašje te jedan dio Gornjeg Srebrenika. Grad i prigradski dijelovi imaju problema sa vodosnabdjevanjem.

Grad Živinice

Zbog kvarova na dalekovodima naselja : Par selo, Maline, Dubrave (Begići), Višća Gornja (sva naselja iznad Kažlja), Kovači nemaju električne energije. Niskonaponska mreža – dio MZ – Podgajevi također nemaju napajanja električnom energijom.

Općina Kladanj

Električne energije nema već 72 sata u pojedinim mjesnim zajednicama.

Općina Čelić

Kompletna regija općine Čelić još uvijek nema napajanja električnom energijom. Također je problem i sa vodosnabdjevanjem.

Općina Teočak

Kompletna regija općine Teočak još uvijek nema napajanja električnom energijom. Također je problem i sa vodosnabdjevanjem.

Općina Sapna

Većinski dio općine Sapna još uvijek nema napajanja električnom energijom.

Općina Doboj Istok

Brojna oštećenja na elektro niskonaponskoj mreži uslijed kojih veliki dijelovi općine na prostoru svih mjesnih zajednica nemaju napajanje električnom energijom. Prekid u snabdijevanju uz povremene dolaske traju već treći dan. Ekipe Elektrodistribucije su konstantno na terenu i vrše otklanjanje nastalih oštećenja. Pomoć im pružaju strukture zaštite i spašavanja u ugroženim zonama.

Ostalo

Općina Kladanj

Općina Kladanj je proglasila stanje prirodne nesreće sa 25.12.2024. Trenutno na području TK-a do sada su sledeće općine/Gradovi proglasili stanje prirodne nesreće: Kladanj, Srebrenik, Gradačac, Gračanica i Teočak.

Situacija s napajanjem područja Tuzlanskog kantona, posebno u Gračanici, Gradačcu, Tuzli, Čeliću, Srebreniku, Lukavcu, Sapni i Kladnju i dalje je kompleksna uprkos besprekidnom radu elektromonterskih ekipa „Elektrodistribucije“ Tuzla na otklanjanju kvarova.

Na području Tuzlanskog kantona nastava je prekinuta u školama u kojima su direktori procijenili da ne postoje uslovi za njeno nesmetano odvijanje, a razlozi su uglavnom prekidi u snabdijevanju električnom energijom, problem s grijanjem ili poteškoće u organizaciji prevoza učenika.

Dostavljeno:

- FOC
- Sve SCZ na TK
- a/a

Dežurni u KOC Tuzla

Amra Softić